

मार्निंग डोगरी न्यूज़ बुलेटिन,

समा. 09.20 Hrs

<><><><><><>

Headlines

- प्रधानमंत्री नरेन्द्र मोदी अज्ज कटरा ते अमृतसर मझाटै चलने आहली “वंदे भारत रेल” गी वर्चुअल ढंग्गै नै झंडी दस्सियै रवाना करोआडन।
- प्रधानमंत्री मोदी होंरें कश्मीर घाटी च पैहली माल-गड्डी दे पुज्जने दी उपलब्धि दी सराहना कीती ऐ। एहदे कन्नै ट्रांसपोर्ट सरबन्धी ढांचे गी बड़ा मता बढ़ावा मिलोग।
- लेफ्टिनेंट गवर्नर मनोज सिन्हा होंरें आक्खेआ ऐ जे जम्मू-कश्मीर च आतंकवाद गी बिंद बी बर्दाश्त नेई कीता जाहग। उनें आक्खेआ जे लोकें दे दिलें चा पाकिस्तान दा डर खत्म होई गेदा ऐ।
- किश्तवाड़ जिले दे दुल इलाके च सुरक्षाबलें ते आतंकवादिणं बश्कार टाक्करा होआ ऐ। सुरक्षाबलें दा अभियान अजें जारी ऐ।
- .ते जम्मू-कश्मीर पुलसै, किश्तवाड़ दे बक्ख-बक्ख इलाके च आतंकवाद-रोधी अभियान दे तैहत छापेमारी आहली कार्रवाई गी अंजाम दिता ऐ।

<><><><><><>

PM -Jammu Byte

प्रधानमंत्री नरेन्द्र मोदी होर अज्ज पंजाब दे अमृतसर ते श्री माता वैष्णो देवी कटरा बश्कार “वंदे भारत एक्सप्रेस रेल” सेवा गी वर्चुअल ढंगे नै झंडी दस्सियै शुरु करवागंन। एह “वंदे भारत एक्सप्रेस रेल” हर हफते मंगलवार गी छोड़ियै बाकी दे 6 दिन श्री वैष्णो देवी कटड़ा ते अमृतसर बश्कार फेरे ला करोग।

तोंआई मुकामी लोकें श्री माता वैष्णो देवी कटरा ते अमृतसर बश्कार “वंदे भारत रेल” सेवा शुरु होने पर अपनी खुशी जाहिर करदे होई आक्खेया.

<><><><><><>

PM-Kashmir Freight Train

प्रधानमंत्री नरेन्द्र मोदी होरें कश्मीर घाटी च पैहली माल गड्डी दे औने दी तरीफ कीती ऐ, जेहड़ी इस खेतर गी राष्ट्री माल ढुलाई नेटवर्क कन्नै जोड़ने दी दिशा च इक महत्वपूर्ण गें ऐ। केन्द्री रेल मंत्री अश्विनी वैष्णव हुंदी सोशल मीडिया पोस्ट पर प्रतिक्रिया च प्रधानमंत्री होरें आक्खेया जे एह जम्मू-कश्मीर च बपार ते सम्पर्क आस्तै इक महत्वपूर्ण दिन ऐ ते इस तरक्की कन्नै विकास ते समृद्धि दौने गी बढ़ावा थोग। मालगड्डी दी उदघाटनी यात्रा तकरीबन 600 किलोमीटर लम्मी ही, जेड़ी 18एं घेंटे शा बी घट्ट समें च पूरी होई। इस ट्रेन च सीमेंट कन्नै लदोए दे 21 डब्बे हे। इस उपलब्धि दे कन्नै कश्मीर घाटी हून भारतीय रेलवे दे माल गलियारें कन्नै पूरी चाल्ली जुड़ी गई ऐ।

<><><><><><>

LG Interview

लैफ्टिनेंट गवर्नर मनोज सिन्हा हों आकखेया ऐ जे जम्मू-कश्मीर शांति, स्थिरता ते तरक्की दे इक नमें जुग च दाखल होआ ऐ। इक निजी मीडिया चैनल कन्नै इंटरव्यू च एल.जी. हों बुनियादी ढांचे, अर्थव्यवस्था ते सैलसफा च तेजी कन्नै होआ रदी तरक्की पर लौ पांटे होई आकखेया जे एहदे कन्नै बसनीके दे जीवन च सुधार होआ रदा ऐ। उनें श्री अमरनाथ यात्रा दे तीर्थ यात्रिये गी सैलसफा दे सच्चे राजदूत दे रूपा च सराहेया ते आकखेया जे उन्दी तीर्थ यात्रा, सांस्कृतिक ते समाजिक एकता गी बढ़ावा दिन्दी ऐ। उनें आप्रेशन महादेव दी कामयाबी दी सराहना कीती, जेदे दौरान पैहलगाम हमले च शामिल त्रंऊ आतंकवादिये गी ढेर करी दिता गया। लैफ्टिनेंट गवर्नर हों आकखेया जे एह फैसलाकुन कारवाई इक मजबूत सनेहा दिन्दी ऐ जे केन्द्र शासत प्रदेश च आतंकवाद गी दना बर्दाश्त नई कीता जाग ते प्रशासन अपने सब्भने नागरिके आस्तै शांति समृद्धि ते बरोबरकी दे मौके हासल करने दी दिशा च अपने जतने गी बरोबर जारी रक्खोग।



Har Ghar Tiranga Reasi

रियासी दे जिला प्रशासन आसेआ डिप्टी कमिशनर निधि मलिक हुं दे नेतृत्व च आयोजित “हर घर तिरंगा अभियान” कन्नै खरी मती गिनतरी च लोक जुड़ा करदे न ते इनें दिनें रियासी जिला, तिरंगे दे रंगे कन्नै रंगोए दा नजरी आवा करदा ऐ। जिले दे सब्भने स्कूले, कॉलेजे, मुंसिपल वार्डे ते पंचैते च तिरंगा फैहाया गोदा ऐ ते एह अभियान इक जन आंदोलन दी शक्ली च एक भारत-श्रेष्ठ भारत दे जज्बे गी दर्शाने दा कम्म करे करदा ऐ। “हर घर तिरंगा अभियान” दे तैहत जिले दे बक्ख-बक्ख ब्लाके च विद्यार्थी, अध्यापक ते मुकामी प्रतिनिधि राष्ट्र दे गौरव दा जशन मनाने आस्तै बक्ख-बक्ख गतिविधिं च शामिल होआ करदे न।



Swachh Jammu Run

जम्मू दे डिवीजनल कमिशनर रमेश कुमार होरें “हर घर तिरंगा अभियान” दे तैहत जम्मू नगर-निगम आसेआ अज्ज बड्डलै आयोजित बाहु प्लाजा थमां जम्मू गी साफ-सुथरना बनाने सरबंधी द्रौड़ - स्वच्छ जम्मू रन-2025 गी झंडी दस्सियै शुरु करोआया। सब्भनें उमी दे लोके बड़े जोश कन्ने इस द्रौड़ च हिस्सा लैता ते स्कूली बच्चें दी मजूदगी नै होरनें प्रतिभागिएं च बी देशभक्ति दा जज़्बा ते उर्जा भरने दा कम्म कीता। इस पैहलकदमी दा मकसद साफ-सफाई, नागरिक जिम्मेदारी ते राष्ट्री गर्व दी भावना गी बढ़ावा देना हा। इस पैहल दे राहें जम्मू गी साफ-स्वच्छ ते हरा-भरा बनाने लेई सांझे जतनें दी जरूरतै पर जोर पाया गेआ।



Kishtwar Encounter

किश्तवाड़ जिले दे दुल इलाके च अज्ज बड्डलै सवेला सुरक्षाबलें ते आतंकवादिएं बश्कार टाक्करा होआ। हासल होई दिएं खूफिया जानकारीएं दी बिनाह उप्पर सुरक्षाबलें आसेआ चलाए गेदे अभियान दरान एह टाक्करा शुरु होआ। सोशल मीडिया दी इक पोस्ट च फौज दी व्हाईट नाईट कोर नै दस्सेआ जे सुरक्षाबलें दा अभियान अजे जारी ऐ ते आतंकवादिएं दे सफाये लेई सुरक्षाबलें दे जोआन पूरी दलेरी ते मुस्तैदी कन्ने डटे दे न। होर ब्यौरे गी अजे बलगेया जा करदा ऐ।



Kishtwar Raids

आतंकवाद खलाफ इक बड्डी कार्रवाई दे तैहत जम्मू-कश्मीर पुलसै किशतवाड़ च आतंकवादिणं कन्नै जुड़ी दिणं बक्ख-बक्ख थाहरें पर छापेमारी आहली कार्रवाई गी अंजाम दिता। किशतवाड़ दे एस.एस.पी नरेश सिंह हुंदे निर्देशें पर कार्रवाई करदे होई किशतवाड़, छातरू, दच्छन, ते अथोली इलाकें च छापे मारे गे ते इस दरान आतंकवादिणं दे मददगारें दे ठिकानें गी निशाना बनाया गेआ। इस कार्रवाई दा मकसद आतंकवादिणं गी मुकामी स्तर पर थहोने आहली मदाद ते खूफिया जानकारीणं गी रोकना हा।

<><><><><><>

Paperless Governance

जम्मू-कश्मीर प्रशासन नै सरकारी कम्मकाज गी बिजन कागद आहला यानि पूरी चाल्ती पेपर-लेस बनाने लेई कमर कस्सी लैती दी ऐ। मुख सचिव अटल डुल्लु होरें केन्द्र शासित प्रदेश दिणं सब्भनै 207 तैहसीलें च ई-आफिस दुए गेड़ गी अमल च आहन्ने सरबन्धी तैयारिणं दा जायजा लैता। अजें तोहड़ी 95 इशारिया 2-8 फीसद यानि 20 जहार 517 यूजर्स, 95 इशारिया 9-4 फीसद दफतरें गी एहदे नै जोड़ेआ गेदा ऐ। एहदे अलावा 20 जहार 580 सरकारी ई-मेल आई.डी कायम कीतीआं गेदिआं न ते 11 जहार 375 वी.पी.एन कनैक्शन गी सक्षम करी दिते गेदे न। प्रशासन दा ध्यान हून परानी फाईलें गी स्कैन करने ते 100 फीसद यूजर्स गी एहदे दायरे हेठ आहन्ने पर केन्द्रित ऐ तांजे सेवाएं दी असरदार ढंगै सिर दस्तयाबी लेई समर्थ निर्माण यकीनी बनाया जाई सके। इस पैहलकदमी दा मकसद फेसले लैने दी प्रक्रिया च तेजी आनना, पारदर्शिता यकीनी बनाना ते जोआबदेही तय करना बी ऐ।

<><><><><><>